



**Politička organizacija građana "Naša stranka"**  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

**Sanela Klarić**, zastupnica u Skupštini Kantona Sarajevo  
Sarajevo, 24.4.2024.

**Dostaviti:**

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r predsjedavajući Skupštine Kantona Sarajevo g. Elvedin Okerić

**Uputiti:**

Vlada Kantona Sarajevo  
Ministarstvo komunalne privrede, infrastrukture, prostornog uređenja, građenja i zaštite okoliša  
Zavod za planiranje razvoja KS  
Zavod za izgradnju KS

**PREDMET: ZASTUPNIČKA INICIJATIVA**


Poštovani, na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Vladi KS i gore navedenom ministarstvu i zavodima upućujem zastupničku inicijativu za **hitno usvajanje Urbanih pravila koji su usklađeni sa Konceptom i Nacrtom Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period od 2016. do 2036. godine, upućenih u proceduru 2021. godine, s ciljem preispitivanja realizacija ranije usvojenih regulacionih planova, kao i planova koji su bili zaustavljeni zbog Zaključka Skupštine KS o ventilacionim koridorima.**

**OBRAZLOŽENJE:** Odluka o ventilacionim koridorima je definisala ograničenja za izgradnju građevina unutar dijela urbanog područja Sarajeva. Nacrt Urbanističkog plana je definisao urbana pravila za cijelo urbano područje Grada Sarajeva, koja će onemogućiti nastavak izgradnje građevina neprimjerenih horizontalnih i vertikalnih gabarita.

S obzirom da je Zaključak o ventilacionim koridorima stavljen van snage, a Urbanistički plan je u izradi Prijedloga plana, nalazimo se u vremenskom vakumu koji otvara mogućnost da se u periodu do usvajanja Urbanističkog plana nastavi sa neprimjerenom izgradnjom građevina. Na zahtjev Ministarstva komunalne privrede, infrastrukture, prostornog uređenja, građenja i zaštite okoliša 2021.godine, izrađen je prijedlog Uredbe o urbanim pravilima u Kantonu Sarajevo, koja je trebala biti sastavni dio Izmjene i dopune Zaključka o ventilacionim koridorima.

Detaljni planski dokumenti sa započetom procedurom izrade, a koji se nalaze unutar ventilacionog koridora i oni koji su sada pokrenuti a izvan su ventilacionih koridora: (R.P.“Centar Novo Sarajevo“, R.P.TMZ - Feroelektro“, R.P.Alipašin most I“, R.P.Alipašin most V“, R.P.Alipašin most RTV“, R.P.“ Halilovići I“, R.P.“ Marijin dvor -Kvadrant C“, R.P.“ Marijin dvor -Kvadrant B“ i urbanistički projekat Milkos, RP Novo Sarajevo), trebali bi se kroz nove ili izmijenjene Odluke o pristupanju izradi planskih dokumenata uskladiti sa navedenom Uredbom o urbanim pravilima u Kantonu Sarajevo koja je razrađena kroz Nacrt i Prijedlog Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period od 2016. do 2036. godine i koji je u završnoj fazi izrade.

S poštovanjem,



Sanela Klarić